

## ۸ مارت (دونیا قادین گونو) عرفه سینده؛ کیملیگه نچہ یۆنلو باخیش و کسیشیمسل

### تئوری باخیمیندان ل گبت آی + توپلومونون حقوقلارینی رسمیتہ تانیما ضرورتی

ایل لردیر سوسیال حرکتلر و اونون باشیندا فمینیزم تک یۆنلو اولدوغو اوچون تنقید ائدیلمکده دیر. بو تنقیدین کۆکلرینی کیمبرلی کرانشاورین ۱۹۸۹ ایل لینه بوتون قادینلاری بیاز و بوتون کیشیلرین قارا گۆرن، بیاز فمینیزمی تنقید ائدن قارا فمینیزم آدلی مقاله لرینده گۆرمک مومکوندور. بیاز فمینیزمده تنقید ائدیلن گیزلی ایرقچیلیغین یانیندا اینترسکشنالیتی نین ایلهام قاینای اولان بیر باشقا تنقید بیاز فمینیزمین قارا لزیین قادینلارین تجروبه لرینی اینکار ائتمه سی و هموفوبیا ایدی.

اینترسکشنالیتی نین اوداق نقطه سی بو آنلامدا تک یۆنلو باخیش آچیسى یئرینه کیملیگین باشقا یۆنلرینه اولان وورقوسو و وار اولان تک یۆنلو باخیشدا اولان قیسیتیلیق لاری تنقید ائتمه سی ایدی. بو یئنی باخیشدا لزیین قادین اولماق ایله قادین و لزیین اولماق ایکی فرقیلی آنلام داشیماقدا و بو کیملیگین هر هانسی بیر یۆنونو گۆرمزدن گلمک کیملیگین آیری سچکیلیگه و اۆتکیلشدیریلمه سینه سبب اولماقدادیر.

داها اۆنجه ل گبت + توپلومونون حقوقلارینی و ائتنیکی یا ایجتیماعی صینیفا اولان عایدیتی گۆرمزدن گلرک بیر طرفدن کیملیگین فرقیلی یۆنلرینی دیگر طرفدن ایسه تئوری ایله پراتیک آراسینداکی باغین قوپماسینا سبب اولان بیاز فمینیزم، اینترسکشنالیتی نین اورتایا قویدوغو چرچیوه سایه سینده یارانان بوشلوق لاری دولدورماق ایمکانی الده ائتمکده دیر. باشقا بیر دئییشله اینترسکشنالیتی چوخ یۆنلو و نچہ طرفلی بیر باخیش آچیسى ایله، قادین و ارکک آراسینداکی فرقین یانیندا قادینلارین اۆز آراسینداکی فرقه ده دیقت چکمکده دیر.

تورکجه شش رنگ (آلتی رنگ) ده بئلنچی بیر باخیش و اینسان کیملیگی نین فرقیلی یۆنلرینه اولان چئشیدلی آیری سچکیلیکلری دیقته آلاق ۲۰۲۲ ایلینده ایشه باشلادی. «تورکجه لحجه اولدوغو اوچون ل گبت + توپلومو طرفیندن لاغا قویولدوم و پارتنر تاپماقدا چتینلیک چکدیم» تورکجه شش رنگ اوخوجولاری نین بیزیمله پایلاشدیغی یوزلرجه تجروبه دن بیرى دیر. بئلنچی تجروبه لر بیزه هترونرمانیو، آتارکیل، شیعه اوداخلی، فارس مرکزلی، اورتا صینیف و علیللیگی ضعیفلیک گۆرن توپلومدا کسیشیمسل آیری سچکیلیکلرین اوستونده دورماغین گرکتیگینی آیدین بیر شکیلده گۆستردی.

تور کجه شش رنگ مضمون یارادیب و تورک ل گبت+ توپلومونون خبرلرینه اوداقلاناراق داها چوخ اینسانی تئوریک چرچیوه سینه سیغدیریب و بو چرچیوه یی پراتیک فعالیتلرله بیرلشدیررک تورک ل گبت+ توپلومونو گوجلندیرمه یه چالیشماقدادیر. بو توپلوما دوزگون و

قایدالی بیر شکیلده آذربایجان تور کجه سینده مضمون یارادماق ایلك گونلردن بیزیم اساس قایغیلاریمیزدان بیری ایدی چونکی بیزیم اوچون تورک لرین آنا دیل مساله سی ده ل گبت+ ساحه سینده دوزگون ترمین لر و قاورام لار قول لانماق قدر اؤنملی ایدی. تور کجه شش رنگ (آلتی رنگ) ائولرینده تورک والیدین لرینه جینسی یؤنلیم و جینسیتی کیملیک لرینی آنا دیل لری ایله بیان ائتمکدن چکینن لر اوچون یئنی بیر ائو و عایله قورماغا چالیشدی. آرتیق احتیاج لارینی و طلب لرینی باشقا بیر دیلده ایستمک مجبوریتینده قالما یا جاقلاری بیر ائو.

بیر ایل تور کجه شش رنگ ین «یالیز دئیل سینیز» سلوقانی ایله فعالیتله باشلا دیغیدان کئچیر. کئچن بیر ایله، ایران دا یاشایان بوتون میلت لر اوچون دموکراسی؛ ساده جینسی یؤنلیم و جینسیتی کیملیک، ائتیک عایدیت و اینسان کیملیگی نین باشقا یؤنلرینه دایانان بوتون آیری سئچکیلیک لرین اورتادان قالخماسی ایله مومکون اولاجاغینا ایناناراق، فعالیتیمیزه دوام ائتدیک. بو فعالیت شهبه سیز بیزی تعقیب ائدیب، فیکیر لرینی بیزیمله پایلاشان و بیزه یول داشلیق ائدنلر اولمادان مومکون اولما یا جاقل ایدی.

بیز تور کجه شش رنگ (آلتی رنگ) فعالیتیمیزین ایکینجی ایلینده، سیز تورک اینسان حقوق لاری ساحه سینده فعالیت ائدن آکتیویست لر و تشکیلات لاردان یوخاریدا بحثی کئچن بیان نامه یه قاتیلاراق، اینترسکشنالیتی تئورسیینه اولان تئوریک و پراتیک باغلیلیغینیزی و اینسان کیملیگی نین فرقیلی یؤنلری او جمله دن جینسی یؤنلیم و جینسیتی کیملیگین اؤنمینی وورقولایاراق، بیزه آذربایجان تورک لری نین اؤنملی بیر پارچاسی اولان تورک ل گبت+ توپلومونون طلب لرینی اورتایا قویماق اوچون یاردیم ائتمه نیزی ایسته ییریک. سیزدن آدیغیمیز جاواب لار شش رنگ صحیفه سینده پایلاشیلا جاقدیر.

### سایقی لاریمیزلا

شش رنگ (آلتی رنگ)، ایرانلی لزبین لر و ترنسجندرلر شبکه سی